

**МУЛЬТИФОКАЛ АТЕРОСКЛЕРОЗДА УЙҚУ ВА КОРОНАР АРТЕРИЯЛАР ҚҰШМА
АТЕРОСКЛЕРОТИК ТОРАЙИШИ МАВЖУД БЕМОРЛАРНИ ТАШХИСЛАШ ВА ДАВОЛАШГА
КАРДИОЛОГИК ЁНДОШУВЛАР**



Каримов Шавкат Ибрагимович^{1,2}, Юлбарисов Абдурасул Абдужалилович^{1,2}, Нурматов Дониёр Хамиджанович¹, Алиджанов Хожиакбар Кашипович^{1,2}, Носиржонов Бунёд Тўлкинжон ўғли¹, Баҳридинхўжаев Иззатулло Мақсадхўжа ўғли²

1 - Республика хирургик ангионеврология ихтисослаштирилган маркази, Ўзбекистон Республикаси, Тошкент ш.;

2 - Тошкент тиббиёт академияси, Ўзбекистон Республикаси, Тошкент ш.

**КАРДИОЛОГИЧЕСКИЕ ПОДХОДЫ К ДИАГНОСТИКЕ И ЛЕЧЕНИЮ БОЛЬНЫХ С СОЧЕТАННЫМ
АТЕРОСКЛЕРОТИЧЕСКИМ СУЖЕНИЕМ КОРОНАРНЫХ АРТЕРИЙ ПРИ МУЛЬТИФОКАЛЬНОМ
АТЕРОСКЛЕРОЗЕ**

Каримов Шавкат Ибрагимович^{1,2}, Юлбарисов Абдурасул Абдужалилович^{1,2}, Нурматов Дониёр Хамиджанович¹, Алиджанов Хожиакбар Кашипович^{1,2}, Носиржонов Бунёд Тўлкинжон ўғли¹,

Баҳридинхўжаев Иззатулло Мақсадхўжа ўғли²

1 – Республиканский специализированный центр хирургической ангионеврологии,

Республика Узбекистан, г. Ташкент;

2 - Ташкентская медицинская академия, Республика Узбекистан, г. Ташкент

**CARDIOLOGICAL APPROACHES TO THE DIAGNOSIS AND TREATMENT OF PATIENTS WITH
COMBINED ATHEROSCLEROTIC STENOSIS OF THE CAROTID AND CORONARY ARTERIES**

Karimov Shavkat Ibragimovich^{1,2}, Yulbarisov Abdurasul Abdujalilovich^{1,2}, Nurmatov Doniyor Khamidjanovich¹,

Alidjanov Khojikbar Kashipovich^{1,2}, Nosirjonov Bunyod Tulkjinjon ugli¹, Bakhriddinkhujaev Izzatullo Maksadkhaja ugli²

1 – Republican Specialized Center for Surgical Angioneurology, Republic of Uzbekistan, Tashkent;

2 – Tashkent Medical Academy, Republic of Uzbekistan, Tashkent

e-mail: d.nurmatov88@gmail.com

Резюме. Мақсад. Уйқу ва коронар артерияларнинг құшма атеросклеротик шикастланиши бүлгән bemорларда тақомиллаштирилған кардиологик ёндошув ва алгоритми құллаш натижаларини ўрганиш. Материал ва усуllар. Бизнинг тадқиқотимиз доирасида 2019-2024 йиллар мобайнида Республика хирургик ангионеврология ихтисослаштирилған марказида текширувдан ўтказилған ва даволанған уйқу томирларида гемодинамик аҳамиятлы стеноз аниқланған ҳамда юрак ишемик касаллиги асимптом ёки турғун зўриқиши стенокардияси функционал синф I-II ташихиси қўйилған 105 та bemорни киритдик. Беморларга ЭКГ, суткалик ЭКГ мониторинг, эхокардиография, УТТ, КТ, МРТ, ангиография (МСКТ-ангиография, КАГ), миокард МРТ-стресс перфузияси каби стандарт ва маҳсус усуllар билан текширилди. Натижалар. Ишлаб чиқилған алгоритм асосида даволанған bemорларда инсульт, юрак етишимовчилиги, ўтқир коронар синдром ва ўтқир миокард инфаркти ҳолатлари назорат гуруҳига нисбатан камроқ кузатилди. Асосий гуруҳда амалиёт давридаги асоратлар 2% гача, узоқ муддатли даврда эса 2,6% гача камайды. Беморлар ҳолати яхшиланиши асосий гуруҳда 53,9%, назорат гуруҳда эса 40,5% ни ташкил қилди. Каротид ва коронар артериялар құшма стенози мавжуд bemорларда табақалаштирилған ёндашув асоратларни камайтириши ва даволаш самараодорлигини оширишига ёрдам берди. Хулоса. Каротид артерияларининг торайиши асимптом коронар заараланши билан биргаликда аксарият ҳолатларда иккى ёки ундан ортиқ томир шикастланиши билан кечади, якка атеросклеротик жараён кам учрайди. Аниқланған камида тўртта хавф омили мавжуд бўлиб, асосийлари АГ, семизлик, камҳаракатлилик, гиперлипидемия ёки қанди диабетдор. Миокард МРТ-стресс перфузиясида ишемия ёки перфузион резерв ≤2 кузатилганда, биринчи босқичда коронар стентлашни ўтказиш каротид реконструкциясида юрак асоратларини олдини олиши имконини беради.

Калит сўзлар: юрак ишемик касаллиги, каротид атеросклероз, коронар ангиография, миокард МРТ стресс перфузияси.

Abstract. Background. The study aims to investigate the outcomes of applying an improved cardiological approach and algorithm in patients with combined atherosclerotic lesions of the carotid and coronary arteries. Materials and Methods. Within the framework of our study, we included 105 patients examined and treated from 2019 to 2024 at the Republican Specialized Center of Surgical Angioneurology. All had hemodynamically significant stenosis of the carotid

arteries and were diagnosed with either asymptomatic ischemic heart disease or stable angina pectoris (Functional Class I-II). Patients underwent both standard and specialized diagnostic procedures, including ECG, 24-hour Holter ECG monitoring, echocardiography, ultrasound examinations, CT, MRI, angiography (MSCT angiography, coronary angiography), as well as myocardial MRI stress perfusion. Results. In patients treated according to the developed algorithm, incidences of stroke, heart failure, acute coronary syndrome, and myocardial infarction were lower compared to the control group. In the main group, perioperative complications decreased to 2%, and long-term complications to 2.6%. Patient improvement was higher in the main group (53.9%) versus the control group (40.5%). A stratified approach in cases of combined carotid and coronary artery stenosis helped reduce complications and increase treatment efficacy. Conclusion. Carotid artery stenosis accompanied by asymptomatic coronary lesions most often involves two or more diseased vessels; isolated atherosclerotic processes are rare. At least four risk factors are typically present, the most common being hypertension, obesity, physical inactivity, hyperlipidemia, or diabetes mellitus. When myocardial MRI stress perfusion indicates ischemia or shows a perfusion reserve ≤ 2 , performing coronary stenting first can help prevent cardiac complications during carotid reconstruction.

Key words: ischemic heart disease, carotid atherosclerosis, coronary angiography, myocardial MRI stress perfusion.

Кириш. Бугунги кунда жаҳон соғлиқни сақлаш ташкилоти (ЖССТ) маълумотларига кўра, дунёнинг иқтисодий ривожланган мамлакатларида ўлимнинг асосий сабабларидан бири юрак-кон томир касалларидир. ЖССТ маълумотларига кўра, 2021 йилда дунёда юрак-кон томир касалларидан 19,7 миллион киши вафот этган, улардан 9,7 миллионы юрак ишемик касаллигидан (ЮИК) ва 6,8 миллионы инсультдан вафот этган [1].

Адабиётларни ўрганиш давомида бутун дунёда атеросклероз касаллигини эрта ташхислаш ва даволашга ёндошувлар кескин ўзгараётганини кўришимиз мумкин. Афсуски, бугунги кунда битта кон томир ҳавзасининг атеросклеротик заарланиши деярли учрамайди, аксинча, бир беморда бир неча кон томир ҳавзаларини заарланишини учраши кўплаб кузатилади. Шу нуқтаи назардан, ҳозирги даврда турли кон томир ҳавзаларининг мультифокал атеросклеротик шикастланиши диагностикасини такомиллаштириш, атеросклерозни даволашга янгича ёндошувлар ушбу патология ҳакидаги стандарт ғояларни кескин ўзгартирди.

Ҳозиргача дунёда уйку артериялари (УА) ва коронар артерияларнинг (КА) кўшма атеросклеротик патологияси бўлган беморларни даволаш тактикаси, босқичлари ва беморларни давосини қай тарзда олиб бориш бўйича мунозаралар давом этмоқда, бундай беморларни даволашда ягона ёндашув мавжуд эмас [2].

Адабиётларда келтирилган сўнгги маълумотларга кўра, гемодинамик жиҳатдан аҳамиятли УА стенози ($>50\%$) бўлган беморларнинг 40-70%ида коронар артериялардан бири заарларнган бўлади [3].

Paraskevas K. ва ҳаммуаллифлар кўшма УА ва КА атеросклеротик шикастланиши бўлган беморларни босқичма-босқич жарроҳлик йўли билан даволашни маъқул деб билишади. Уларнинг фикрича, миокард реваскуляризациясигача биринчи босқичда каротид реконструкциясини ўтказиш лозим, бу эса ишемик инсульт (ИИ) ривожланишининг олдини олади. Кейинчалик, кўрсатмалар бўйича иккинчи босқичда ёки коронар стентлаш, ёки аорто-коронар шунтлаш (АКШ) амалга оширилади [4].

Аммо адабиётларни ўрганиш шуни кўрсатадики, бугунги кунда гемодинамик жиҳатдан ўта оғир бўлмаган коронар артерияларининг 55-65% бўлган торайишларида, айниқса, беморда симптомсиз

кечаётган ЮИК дори-дармонлар билан даволаш ёки динамикада кузатиш, кейинчалик шу торайишларни симптомли торайишга айланишига ёки биринчи этапда уйку артерияси реконструкцияси вақтида ишемия ривожланишига олиб келади [5].

Roekchai T. ва ҳаммуаллифларнинг фикрига кўра, агар стеноз 80%дан кичик бўлса ва беморда касаллик симптомсиз кечаётган бўлса, у холда КА ва УА ларига бир вақтнинг ўзида амалиёт ўтказиш мумкин. Аммо, у шуни ҳам таъкидлайдики, агар стеноз 80%дан кичик бўлса-да, бемор аввал ИИ бошидан кечирган бўлса, биринчи босқичда каротид реконструкция, сўнгра коронар реваскуляризация бажарилиши лозим [6].

Босқичма-босқич амалиётлар ўтказилганда реваскуляризация қилинмаган кон томир ҳавзасининг ишемик шикастланиш ҳавфи ортади. Аммо, бир вақтнинг ўзида иккита амалиёт бажарилиши ўлим ҳавфининг ортишига ҳам олиб келиши мумкин.

Шундай килиб, уйку ва коронар артерияларнинг кўшма шикастланишини жарроҳлик йўли билан даволашда энг оптималь кардиологик ёндошувни танлаш масаласи ҳанузгacha баҳсли бўлиб, тўлиқ ҳал этилмаган муаммолардан биридир.

Шу боис, уйку ва коронар артериялар кўшма атеросклеротик заарланиши мавжуд беморларни ташхислаш ва даволашда комплекс, индивидуал ёндашувни ишлаб чиқиши кардиология ва юрак-кон томир жарроҳлиги соҳасидаги долзарб масалалардан бири хисобланади.

Тадқиқотимиз мақсади: Уйку ва коронар артерияларнинг кўшма атеросклеротик шикастланиши бўлган беморларда такомиллаштирилган кардиологик ёндошув ва алгоритмни қўллаш натижаларини ўрганиш.

Материал ва усуllibar: Бизнинг тадқиқотимиз доирасида 2019-2024 йиллар мобайнида Республика хирургик ангионеврология ихтисослаштирилган марказида (РХАИМ) текширувдан ўтказилган ва даволанган уйку томирларида гемодинамик аҳамиятли стеноз аниқланган ҳамда ЮИК асимптом ёки турғун зўрикиш стенокардияси функционал синф I-II ташхиси кўйилган 105 та беморни киритдик. Беморларнинг ўртача ёши $63,2 \pm 4,3$ ёшни ташкил қилди. Беморларимиз орасида эркак жинси кўпчиликни ташкил этди – 69 (65,7%). Аксарият bemорлар артериал гипертензия (АГ) билан оғриган ва ортиқча вазнга эга эди. Қандли диабет (КД) 2 тип 45 (42,9%) нафар

беморларимизда аниқланган. Беморларимиз орасида 68 (64,7%) тасида алкогол истеъмол қилиш ва чекиши каби заарли одатлар аниқланган. Барча bemорлар юкори ҳавф гурухига киришига қарамай стационаргача бўлган даврда паст зичликдаги липопротеидлар (ПЗЛП) атиги 6 (5,7%) нафар bemоргина мақсадли кўрсаткичга (<1,4 ммоль/л) эришилган.

Таддиқот ишимизда барча bemорлар 2 гурухга ажратилди: Биринчи гурухни (назорат гурухи) 2019-2021 йилларда РХАИМ да даволанган, анъанавий ташҳислаш ва даволаш алгоритмига мувофиқ UA реконструктив амалиётга кўрсатма бўлган, KA томонидан асимптом бўлган 55 нафар bemорлардан иборатдир, шу сабабли бу гурухда биринчи босқичда UA да реконструктив амалиётлар бажарилган. Иккинчи (асосий) гурух 2022-2024 йилларда РХАИМ да даволанган, UA ва KA да атеросклеротик зарарланиш мавжуд бўлган ҳамда биз томондан ишлаб чиқилган саволнома ва алгоритм бўйича табакалаштирилган кардиологик ёндошув асосида олиб борилган 50 нафар bemордан ташкил топган.

Беморларни ўрганиш бутунжаҳон шифокорлар жамияти томонидан ишлаб чиқилган Хелсинки декларацияси асосида олиб борилди. Беморлarda сурункали бош мия қон айланиши етишмовчилигини (СБМҚАЕ) таснифлашда хозирги кунда кенг кўлланилаётган А.В.Покровский (1979) таснифидан фойдаландик. Унга кўра, СБМҚАЕ ни асимптом кечиши назорат гурухда 1 (1,8%) ҳолатда учради, асосий гурухда аниқланмади; транзитор ишемик хуруж (ТИХ) назорат гурухда 6 (10,9%), асосий гурухда 5 (10,0%); дисциркулятор энцефалопатия назорат гурухда 21 (38,2%), асосий гурухда 28 (56,0%); ўтказилган ИИ назорат гурухда 27 (49,1%), асосий гурухда 17 (34,0%) ҳолатда учради.

Беморларни клиник текшируви ҳажмини стандарт клиник ҳамда маҳсус текширув усуслари тўплами – ЭКГ, ЭКГни Холтер бўйича суткалик мониторинги, эхокардиография, ультратовуш текширув (УТТ) усуслари, компьютер томография (КТ), магнит-резонанс томография (МРТ) ва аниография (МРА), рентгеноконтраст аниография (РКА), коронар аниография (КАГ) ва миокард МРТ-стресс перфузияси ташкил этди.

Неврологик статус текширилганда умуммия ва ўчокли симптомлар аниқланди. Каротид ва вертебробазилляр (ВБ) ҳавзаларда қон айланиши етишмовчилигида кузатиладиган умуммия белгилари турли хил табиатли ва локализациядаги бош оғриғи, бошда оғирлик, қулоқларда шовқин, тизимли бўлмаган бош айланиши кўринишида намоён бўлди. Ўчокли симптомларнинг табиати асосан қон айланишининг бузилиши содир бўлган қон томир ҳавzasига боғлиқ бўлди.

ЮИК турғун зўриқиши стенокардияси функционал синфи (ФС) 1976 йилда қабул қилинган Канада таснифи бўйича аниқланди. Шуни таъкидлаш лозимки, текширувдаги bemорлар стенокардиянинг асосий белгиси хисобланган жисмоний зўриқиши билан боғлиқ тўш ортидаги оғриқ, нохушлик хисси каби белгиларни билдирамайди, маълум қисм bemорларимиз ўтказган ИИ натижасида харакат бузулишлари сабабли жисмоний фаоллиги чекланган бўлса, баззи bemорларимизда бизга мурожаат қилгунича ЮИК ташҳиси қўйилган эди. Шу сабабли биз уларни инкор

этмаган ҳолда турғун зўриқиши стенокардия ташҳисини кўйдик. Текширувга киравчи bemорларимизнинг 53 (50,5%) нафари II ФС га тўғри келди. III-IV ФС киравчи bemорларни бизнинг текширувимизга киритилмади. Зўриқиши стекнокардияси I ФС назорат гурухда 18 (32,7%), асосий гурухда 17 (34%); II ФС эса назорат гурухда 28 (50,9%), асосий гурухда 25 (50,0%) ҳолатда кузатилди.

Асосий гурухдаги ўрта оғир деб баҳолангандан 18 (36%) нафар bemорларни янада чуқурроқ ўрганиш мақсадида миокарднинг МРТ-стресс перфузия текшируви ўтказилди, тинч пайтда ва стресс пайтидаги натижалар шуни кўрсатди, ўнг коронар артерия (ЎКА) ўзани 8 (44,4%) ҳолатда ва орка қоринчалараро артерия (ОрҚА) 7 (38,9%), чап коронар артерия (ЧҚА) ўзани 2 (11,1%), айланиб ўтувчи артерия (АЎА) 5 (27,7%) ҳолатда ишемия соҳаси тинч ҳолатда кузатилмай, стресс пайтида пайдо бўлди ва миокард перфузия резервни 1,5 дан паст бўлиши аниқланди; бундан ташқари асосий олдинги қоринчалараро артерия (ОлҚА) 6 (33,3%), диогонал шох (ДШ) 3 (16,7%) ҳолатларда ишемия соҳаси ва миокард перфузия резерв кўрсаткичи 1,5-2,0 бўлишини кўришимиз мумкин. Бу шуни англатадики, асимптом кечувчи ЮИК ни стресс билан текшириб кўрилганда юкорида келтирилган соҳаларда ишемия кучайишини кўришимиз мумкин ва мана шу bemорларда биринчи босқичда агар UA да реконструктив амалиёт бажарилса KA томонидан симптомлар кузатилиши мумкин. Асосий гурухда мазкур bemорларга биринчи этапда KA ни стентлаш ва иккинчи этапда UA томонидан реконструктив амалиётлар ўтказилди.

Каротид ва коронар артерияларнинг кўшма атеросклеротик торайишларида bemорларни жарроҳлик амалиётига тайёрлашда ёндош касалликларнинг кўшилиб келиши ва оғирлик даражаси хисобга олиниб тайёрланди. Юкори ҳавф гурухли bemорларда UA ва KA нинг кўшма атеросклеротик торайишларида атеросклеротик пилакчаларнинг типига, давомийлигига, шунингдек, UA нинг тузилишига, КАГ ва МРТ перфузия хулосаларига қараб назорат ва асосий гурухларда турли хил жарроҳлик амалиётлари бажарилди. Назорат гурухдаги барча (n=55) bemорларга биринчи босқичда UA да каротид реконструкция амалиётлари бажарилди. Асосий гурух (n=50) bemорлари ўз навбатида табакалаштирилган ёндошув билан олиб борилганда, бу bemорларнинг 18 тасига биринчи босқичда KA реваскуляризация амалиёти ва кейинги босқичда UA реконструктив амалиёти бажарилди.

Беморларда UA анъанавий усуlda бажарилган амалиётлар регионар анестезия билан амалга оширилди.

Каротид эндартерэктомия: жарроҳлик амалиётларининг ҳаммаси регионар анестезия билан амалга оширилди. 60 (57,1%) нафар bemорда классик усуlda каротид эндартерэктомия (КЭАЭ) аутовеноз ямоқ қўйиш билан, 25 (23,8%) нафар bemорда эса эверсион усуlda КЭАЭ ҳамда 3 (2,9%) нафар bemорда ташки уйку артериясини пластика қилиш, яъни ички уйку артерияси окклюзиясида умумий уйку артерияси ва ташки уйку артериясидан эндартерэктомия ва ямок қўйиш амалиёти бажарилди.

Коронар стентлаш: коронар артерияларни стентлаш учун кўрсатмалар табақалаштирилган ёндошув орқали аникланди. Тери орқали коронар аралашувларни (ТОКА) ўтказиши тўғрисида қарор қабул қилишда стенокардиянинг даражаси, унинг динамикаси, ноинвазив текшириш усуслари маълумотлари, шунингдек, коронар ўзан шикастланишининг анатомик хусусиятлари хисобга олинди. Тўғридан-тўғри стентлаш ёки баллонли катетер орқали предилатация билан стентлаш амалиётларини кимга кўлланилиши тўғрисида индивидуал ҳолатда қарор қабул қилинди. Беморларга муолажадан олдин юкламали 600 мг миқдорда клопидогрел билан икки хисса антиагрегант терапия буюрилди; қисман тромбопластин фаоллашиш вақтини хисобга олган ҳолда гепаринизация ҳам амалга оширилди. ТОКА дан сўнг, барча bemорларга касалхонадан чиқариш пайтида икки хисса антиагрегант терапия буюрилди. Узунлиги 8 дан 34 мм гача ва диаметри 2,25 дан 3,5 мм гача бўлган стентлар ишлатилди.

Натижалар ва муҳокама: Юқорида келтирилган маълумотлардан келиб чиқиб, биз UA ва

КА қўшма шикастланиши бўлган bemорларни текшириш ва даволашда кардиологик нутқаи назардан такомиллаштирилган алгоритмини ишлаб чиқилди (1-расм).

Ишлаб чиқилган алгоритмни қўллагандан сўнг натижалар тахлил қилинди. Биринчи навбатда bemорларда яқин даврда, яъни бош мия томонидан кузатиладиган асоратлар алоҳида ўрганилди. Тахлиллар шуни кўрсатдиги, назорат гурухидаги bemорларда каротид ҳавзадаги кузатиладиган ИИ амалиёт даврида 3 (5,4%) ни ташкил килган бўлса, яқин даврда 2 (3,6%), узок даврда 2 (3,6%) ни ташкил қилган (1-жадвал).

Амалиёт даврида каротид ҳавзада кузатилган ИИ асорати бўйича назорат ва асосий гурухни солиштирганимизда, назорат гурухда 3 (5,4%) та bemорда ИИ кузатилган бўлса, асосий гурухда бу кўрсаткич 1 (2%) та bemорни ташкил этди. Назорат гурухда амалиёт даврида инсульт натижасида ўлим ва ВБ ҳавзадаги ИИ 1 (1,8%) нафар bemорларда кузатилган бўлса, бундай асоратлар асосий гурухда амалиёт даврида кузатилмади. Иккала гурухда хам амалиёт даврида томир тромбози ва рестеноз каби асоратлар кузатилмади.



Расм 1. Уйқу ва коронар артерияларда торайиш аниқланган bemорларда ташхислаш ва даволаш алгоритми

Жадвал 1. Анъанавий ва ишлаб чиқилган ёндошув асосида даволанган bemорларда бош мия томонидан кузатилган асоратларини солиштирма тахлили

Асоратлар	Амалиёт даври				Яқин давр				Узок давр (12 ой)			
	Назорат гурухи n=55		Асосий гурух n=50		Назорат гурухи n=55		Асосий гурух n=50		Назорат гурухи n=42		Асосий гурух n=39	
	n	%	n	%	n	%	n	%	n	%	n	%
Каротид ҳавзада ИИ	3	5,4	1	2	2	3,6	0	0	2	4,8	1	2,6
Инсультдан ўлим	1	1,8	0	0	0	0	0	0	1	2,4	1	2,6
ВБ ҳавзада ИИ	1	1,8	0	0	0	0	0	0	0	0	0	0
Томирлар тромбози	0	0	0	0	1	1,8	1	2	0	0	0	0
Рестеноз	0	0	0	0	0	0	0	0	2	4,8	1	2,6

Жадвал 2. Анъанавий ва ишлаб чиқилган ёндошув асосида даволанган беморларда юрак томонидан кузатилган асоратларини солиштирма таҳлили

Асоратлар	Амалиёт даври				Якин давр				Узок давр (12 ой)			
	Назорат гурухи n=55		Асосий гурух n=50		Назорат гурухи n=55		Асосий гурух n=50		Назорат гурухи n=42		Асосий гурух n=39	
	n	%	n	%	n	%	n	%	n	%	n	%
Ангиноз оғриқлар	5	9,1	1	2	3	5,4	2	4	6	14,3	2	5,1
Аритмия	3	5,4	0	0	1	1,8	1	2	4	9,5	2	5,1
Юрак етишмовчилиги	1	1,8	0	0	2	3,6	0	0	6	14,3	3	7,7
ST-сегмент депрессияси	4	7,3	1	2	5	9,1	1	2	5	11,9	2	5,1
ҮКС	2	3,6	0	0	4	7,3	0	0	4	9,5	1	2,6
ҮМИ	2	3,6	0	0	4	7,3	0	0	3	7,1	1	2,6
ҮМИ + Үлим	0	0	0	0	3	5,4	0	0	2	4,8	0	0

Иккала гурухда амалиётдан кейинги якин даврда кузатилган асоратларни солиштирганимизда шуни кўриш мумкинки, каротид ҳавзада кузатилган ИИ асорати назорат гурухидаги 2 (3,6%) ҳолатда кузатилган бўлса, асосий гурухда бундай асорат кузатилмади. Инсульт натижасида ўлим ва ВБ ҳавзада ИИ иккала гурухда ҳам амалиётдан кейинги якин даврда кузатилмади. Назорат гурухидаги якин даврда 1 (1,8) ҳолатда томирлар тромбози кузатилган бўлиб, асосий гурухда ҳам ушбу асорат 1 (2%) ҳолатда кайд этилди. Бундай асоратнинг кузатилишига асосий сабаб сифатида беморларнинг етарли даражада антиагрегант ва антикоагулянт терапия олмаганлигини келтириб ўтишимиз мумкин. Асосий гурух беморда амалиётдан кейинги 1-сугтада кузатилган тромбоз юзага келганлиги туфайли шошилинч равишда тромбэктомия амалиёти бажарилганлиги сабабли катта асоратларни олди олинган. Иккала гурухда ҳам амалиётдан кейинги якин даврда рестеноз кузатилмаган.

Назорат ва асосий гурух беморларининг узок даврдаги асоратлар таҳлили шуни кўрсатди, каротид ҳавзада кузатилган ИИ асорати назорат гурухидаги 2 (4,8%) ҳолатда кузатилган бўлса, асосий гурухда бу кўрсаткич 1 (2,6%) беморни ташкил этади. Инсульт натижасида ўлим назорат гурухидаги 1 (2,4%) ҳолатда кузатилган бўлса, асосий гурухда бундай асорат кузатилмаган. ВБ ҳавзада ИИ ва томирлар тромбози иккала гурухда ҳам амалиётдан кейинги узок даврда кузатилмади. Узок даврдаги рестеноз назорат гурухидаги 2 (4,8%) нафар беморда, асосий гурух эса 1 (2,6%) нафар беморда кузатилди. Бунга сабаб сифатида беморларни ўз вактида мутаносиб дорили терапия қабул қилмаганлиги деб баҳоланди. Бу рестенозлар гемодинамик аҳамиятли бўлмаганлиги сабабли беморларга медикаментоз терапия буюрилган.

Тахлилларимиз давомида ишлаб чиқилган алгоритмни қўллашдан кейинги иккала гурухларда амалиёт даврида, якин ва узок даврларда юрак томонидан кузатилган асоратлар ва олинган натижалар солиштирма тарзда ўрганиб чиқилди (2-жадвал). Иккала гурухда амалиёт даврида юрак томонидан кузатилган асоратларни таҳлил қилганимизда шуни кўришимиз мумкинки, ангиноз оғриқ назорат гурухидаги 5 (9,1%) нафар беморда кузатилган бўлса, асосий гурухда бу кўрсаткич 1 (2%) ташкил этади. Бунга асосий сабаб сифатида амалиёт вактида беморда гемодинамика

нотурғун бўлганлигидир. Бўлмачалар фибрилляцияси кўринишидаги аритмия назорат гурухидаги 3 (5,4%) ҳолатда кузатилган, асосий гурухда бундай асорат кузатилмади. Бўлмачалар фибрилляцияси интенсив терапия бўлимида дорилар ёрдамида бартараф этилган.

Бундан ташқари, амалиёт вақтида юрак етишмовчилиги белгилари назорат гурухидаги астмаси кўришида 1 (1,8) беморда кузатилган, асосий гурухда бундай асорат кузатилмади. Юрак астмаси ҳам амалиёт вақтида дорилар ёрдамида бартараф этилган. Амалиёт вақтида ЭКГ монитори орқали ST-сегменти депрессияси кўринишидаги ўзгаришлар назорат гурухидаги 4 (7,3%) ҳолатда кузатилган, асосий гурухда 1 (2%) ҳолатда кузатилган. Амалиёт вақтида ўткир коронар синдром (ҮКС) ва ўткир миокард инфаркти (ҮМИ) кўринишидаги асоратлар назорат гурухидаги 2 (3,6%) нафардан беморларда кузатилган бўлса, асосий гурухда эса бундай асоратлар кузатилмади. ҮМИ билан боғлик ўлим кўрсаткич иккала гурухда ҳам амалиёт вақтида кузатилмади.

Назорат ва асосий гурухда якин даврда юрак томонидан кузатилган асоратлар таҳлили шуни кўрсатди, ангиноз оғриқ назорат гурухидаги 3 (5,4%) ҳолатда кузатилган бўлса, асосий гурухда бу кўрсаткич 2 (4%) ташкил этади. Бўлмачалар фибрилляцияси назорат гурухидаги 1 (1,8) ҳолатда кузатилган, асосий гурухда ҳам 1 (2%) ҳолатда кузатилди. Бундан ташқари, якин даврда юрак етишмовчилиги белгилари назорат гурухидаги 2 (3,6%) нафар беморда кузатилган, асосий гурухда бундай асорат кузатилмади. Якин даврда ЭКГ да ST-сегменти депрессияси кўринишидаги ўзгаришлар назорат гурухидаги 5 (9,1%) ҳолатда кузатилган, асосий гурухда эса 1 (2%) ҳолатда. Якин даврда ҮКС ва ҮМИ кўринишидаги асоратлар назорат гурухидаги 4 (7,3%) нафардан беморларда кузатилган бўлса, асосий гурухда бундай асоратлар кузатилмади. ҮМИ билан боғлик ўлим кўрсаткич назорат гурухидаги 3 (5,4%) ҳолатда кузатилган, асосий гурухда эса кузатилмади.

Иккала гурух узок даврда кузатилган асоратларни солиштириб таҳлил қилганимизда шуни кўрдикки, ангиноз оғриқ назорат гурухидаги 6 (14,3%) ҳолатда кузатилган, асосий гурухда бу кўрсаткич 2 (5,1%) ташкил этади. Бўлмачалар фибрилляцияси назорат гурухидаги 4 (9,5%) ҳолатда кузатилган, асосий гурухда – 2 (5,1%) ҳолатда.

Жадвал 3. Анъанавий ва ишлаб чиқилган ёндошув асосида даволанган беморларни даводан кейинги яқин ва узок даврлардаги умумий холати натижалари

Бемор холати	Назорат гурухи				Асосий гурух			
	Яқин давр (1 ой) n=55		Узок давр (12 ой) n=42		Яқин давр (1 ой) n=50		Узок давр (12 ой) n=39	
	Сони	%	Сони	%	Сони	%	Сони	%
Яхшиланиш	32	58,2	17	40,5	33	66	21	53,9
Ўзгаришсиз	11	20	14	33,3	14	28	16	41,0
Ёмонлашиш	12	21,8	11	26,2	3	6	2	5,1

Бундан ташқари, узок даврда юрак етишмовчилиги белгилари назорат гурухидаги 6 (14,3%) нафар беморда кузатилган бўлса, асосий гурухда бундай асорат 3 (7,7%) холатда кузатилди. Узок даврда беморларни кузатиш давомида шу нарса маълум бўлдики, ЭКГ да ST-сегменти депрессияси кўринишидаги ўзгаришлар назорат гурухидаги 5 (11,9%) холатда кузатилган, асосий гурухда – 2 (5,1%) холатда. Узок даврда ЎКС ва ЎМИ кўринишидаги асоратлар назорат гурухидаги мос равишда 4 (9,5%) ва 3 (7,1%) нафар беморда кузатилган бўлса, асосий гурухда эса бундай асоратлар 1 (2,6%) тадан холатда кузатилган. ЎМИ билан боғлиқ ўлим кўрсаткичи назорат гурухидаги 2 (4,8%) холатда кузатилган бўлса, асосий гурухда бундай асорат кузатилмади.

Назорат гурухидаги беморларни даволашнинг қониқарсиз натижаларини ўрганганимизда (3-жадвал), мавжуд бўлган алгоритм бўйича текширув ва даволаш ўтказилганда қатор камчиликлар кўзга ташланди. Жумладан, беморлар клиникага даволанишга кабул килинганда етарлича чукур ташҳислашни амалга оширилмаганлиги, натижада даволашга бўлган нотўғри ёндошув сабабли bemor ахволининг ёмонлашувига олиб келган. УА ва КА кўшма атеросклеротик торайишларида ёндош касалликларнинг оғирлик даражасини, лаборатор ва ташҳислаш усуулларини, эмбологен пилакчаларнинг эрта аниқланмаслиги, натижада амалиёт жараёнда мобилизация вақтида эҳтиёtsизлик оқибатида артерио-артериал эмболия ва ИИ ривожланишига олиб келиши.

Тадқиқот натижалари шуни кўрсатдиги, УА ва КА ларининг бир вақтда атеросклеротик торайиши мавжуд беморларда клиник жиҳатдан асимптом кечувчи коронар стенози етарлича баҳолаш муҳим аҳамият касб этади. Бундай беморлар орасида гемодинамик аҳамиятли УА стенози аниқланган холатда аксарият шифокорлар аввал КЭА ёки каротид стентлашни бажариб, сўнгра юрак томонидан реваскуляризацияни ҳаётга татбиқ этишини маъқул кўришиади. Бирок, бизнинг тахлилларимиз ҳамда қатор илмий адабиётлардан келиб чиқиб маълум бўлдики, бундай ёндашув ҳамма вақт ҳам хавфсиз эмас: коронар шикастланишни мунтазам мониторинг килмасдан туриб, биринчи босқичда каротид аралашувини бажариш амалиёт пайтида ёки ундан кейин даврда юрак-кон томир асоратлар хавфини ошириши мумкин [4, 6].

Юрак томонидан объектив шикоятлари бўлмаган беморларда ЮИК га етарлича эътибор қаратилмаслиги, бундан ташқари, симптомлари мавжуд бўлмаган холатларда юкламали синамаларни кам бажарилиши – бу эса ўз навбатида, каротид реконструкциядан сўнг ЎМИ ривожланишига олиб келувчи омилларни тўғри баҳолай олмаслик, КАГ

текширувни тўғри танлай билмаслик, КА нинг заарланиш даражасини аниқлашда йўл кўйилган камчиликлар сабабли, шунингдек, маҳсус медикаментоз терапия фонида коронар резервни яхшиламасдан амалиётни бажарилиши натижасида миокарднинг ўткир ишемияси ёки бошқа асоратларни ривожланишига олиб келган. Бош миянинг ишемияга толерантлиги паст ва критик бўлган беморларда амалиёт жараёнда вақтинчалик интраартериал шунтни ўрнатиш жараёндаги қийинчиликлар, бундан ташқари, бу беморларни етарлича амалиёт олди тайёргарлигини ўтказмаслик ёки етарлича энг мақбул даво усулини танлай олмаслик ҳам аниқланган камчиликлардан биридир. УА да икки томонлама гемодинамик аҳамиятли атеросклеротик торайишлар аниқланган беморларда амалиёт вақтининг узайиб бориши натижасида бош миянинг кон билан таъминланиш компенсатор фаолияти сусайиб бориши туфайли ишемия ривожланиш хавфи юқори хисобланади. Бу эса ўз навбатида коронар артерияларида гемодинамик аҳамиятга эга бўлмаган торайишларида ҳам клиник белгиларни пайдо бўлишига олиб келади.

Асосий гурухда (биз ишлаб чиқсан алгоритм бўйича) каротид томирларида гемодинамик аҳамиятли торайиш билан бирга, асимптом кечаётган коронар атеросклероз аниқланган беморларда миокард МРТ-стресс перфузияси аҳамиятли эканлиги намоён бўлди. Юрак ишемиясини юклама шароитида аниқлаш оркали коронар торайишлар қай даражада хавфли эканини баҳолаш мумкин бўлди. Алгоритм асосида, агар ишемия майдони аниқланса ва/ёки перфузия резерви кўрсаткичи 2 дан паст бўлса, биринчи босқичда коронар стентлаш тавсия этилди. Натижада бирламчи каротид аралашуви билан солиширгандан миокард ишемияси билан боғлиқ асоратлар сезиларни даражада камайди (жумладан, амалиёт вақтидаги ангиноз оғриклар, ЎКС, ЎМИ).

Юқоридагиларни хисобга олган ҳолда УА нинг атеросклеротик торайишларида жарроҳлик амалиётидан кейинги даврда эҳтимолий ИИ ва юрак томонидан бўлиши мумкин бўлган асоратларни ҳамда хавфни олдини олиш учун ташҳислаш босқичига УА ва КА нинг кўшма атеросклеротик торайишларини юқори даражада аниқлаш ва даволашни энг мақбул усуlda танлаш имконини берувчи ёндошувни ишлаб чиқилди (1-расм).

3-жадвалда келтирилган натижаларни ўрганар эканмиз, жарроҳлик усууллари юқори даражада ривожланганлигига қарамасдан ҳар бир беморга алоҳида ёндошув кераклигини айтиб ўтиш лозим. УА да реконструктив амалиётлар бажарилиши лозим бўлган, аммо КА нинг кўшма атеросклеротик торайишларида аниқ амалиёт босқичини белгилаб

берадиган, асоратлар ва ўлим даражасини пасайтириш имкониятини берувчи, айниқса, жуда катта бўлмаган 1 ва 2 томирли КА ни атеросклеротик шикастланишида аниқ ташхислаш ва даволаш алгоритми мавжуд эмаслиги ва шундай индивидуал ёндошувларгага асосланган ташхислаш ва даволаш алгоритмига эҳтиёж борлигидан далолат беради.

Хуносалар:

1. Каротид артерияларда гемодинамик ахамиятли торайишлари мавжуд бўлган беморларда асимптом кечётган коронар артериялар заарланиши аниқланган ҳолатларда энг камидаги икки томирли коронар заарланишлар учрайди. Алоҳида якка атеросклеротик торайишлар деярли учрамайди. Ушбу тоифадаги беморларда энг камидаги тўртта ҳавф омили биргаликда келади. Бундан ташқари, коронар артерияларда аниқланган гемодинамик ахамиятсиз торайишлар ҳам ҳавф омили сифатида қаралиши лозим.

2. Каротид артерияларда гемодинамик ахамиятли атеросклеротик торайишлари мавжуд бўлган беморларда 60,6% ҳолатларда асимптом кечётган коронар артерияларнинг турли даражадаги торайишлари аниқланади, шулардан 39,4% ҳолатда торайишлар гемодинамик ахамиятсиз бўлади. Ушбу тоифадаги беморларда энг камидаги тўртта ҳавф омиллар биргаликда келиши кузатилади, шулардан энг асосий омиллар бу артериал гипертензия, семизлик, камҳаракатлилик, гиперлипидемия ва кандли диабетдир.

3. Каротид ва коронар артерияларининг қўшма атеросклеротик торайишлари мавжуд беморларни уйку артерияларини реконструкция қилишдан аввал радиологик текширувларни қўллаган ҳолда миокардни МРТ-стресс перфузия усули ёрдамида коронар артерияларидаги торайишларни чуқурроқ таҳлил қилиш лозим, бу ўз навбатида каротид реконструкция бажарилиши вақтида юрак томонидан кузатиладиган асоратларни камайтиришга замин яратади.

4. Уйку ва коронар артерияларининг қўшма атеросклеротик заарланишлари мавжуд беморларда МРТ-стресс перфузия текшируvida коронар артерия ҳавзасининг ишемия соҳасини пайдо бўлиши ва/ёки перфузион резервни 2 дан пастлиги аниқланса, биринчи босқичда коронар артерияларни стентлашни ўтказиши тавсия қилинади, бу каротид реконструкция вақтида ҳамда амалиёт босқичлари оралиғидаги асоратларни камайтириш имкониятини беради.

Адабиётлар:

1. World Health Organization. <https://www.who.int/news-room/fact-sheets/detail/the-top-10-causes-of-death>.
2. Tomai F., Pesarini G., Castriota F. et al. European Heart Journal Supplements, Volume 17, Issue suppl_A, March 2015, Pages A23-A28.
3. Naylor A.R., Ricco J.-B., G.J. de Borst et al. Editor's Choice – Management of Atherosclerotic Carotid and Vertebral Artery Disease: 2017 Clinical Practice Guidelines of the European Society for Vascular Surgery (ESVS), Volume 55, Issue 1, P3-81, January 2018.
4. Paraskevas K.I., Nduwayo S., Saratzis A.N. et al. Carotid Stenting Prior to Coronary Bypass Surgery: An Updated Systematic Review and Meta-Analysis. Volume 53, Issue 3, P309-319, March 2017.
5. Lawton J.S., Tamis-Holland J.E., Bangalore S. et al. 2021 ACC/AHA/SCAI Guideline for Coronary Artery Revascularization. Circulation. 2022; 145(3): e18–e114.
6. Roekchai T., Rerkasem K., Rerkasem A. "Management Strategies for Concomitant Carotid and Coronary Artery Disease: Simultaneous or Staged Revascularization?" Journal of Vascular Surgery, 2020; 72(4): 1232–1239.

КАРДИОЛОГИЧЕСКИЕ ПОДХОДЫ К ДИАГНОСТИКЕ И ЛЕЧЕНИЮ БОЛЬНЫХ С СОЧЕТАННЫМ АТЕРОСКЛЕРОТИЧЕСКИМ СУЖЕНИЕМ КОРОНАРНЫХ АРТЕРИЙ ПРИ МУЛЬТИФОКАЛЬНОМ АТЕРОСКЛЕРОЗЕ

*Каримов Ш.И., Юлбарисов А.А.А., Нурматов Д.Х.,
Алиджанов Х.К., Носиржонов Б.Т.,
Бахридинхужаев И.М.*

Резюме. Цель. Изучение результатов усовершенствованного кардиологического подхода и применения алгоритма у больных с сочетанными атеросклеротическими заболеваниями сонных и коронарных артерий. Материал и методы. Объектом нашего исследования являются пациенты, прошедшие систему обучения в центре ангионеврологии и ихтиоза в Республике Хиургии в 2019 году, у которых был диагностирован значительный стеноз сонных артерий с гемодинамическими нарушениями во сне и бессимптомная стабильная стенокардия. Функциональная классификация — пациенты I-II класса по классификации 10. В диагностике использовались ЭКГ, суточный ЭКГ-мониторинг, ЭхоКГ, УТТ, КТ, МРТ, ангиография (МСКТ-ангиография, ЦАГ), миокардиальная ангиография. МРТ проводилось стандартными и специальными методами, включая стресс-перфузию. Результаты. По сравнению с контрольной группой, у пациентов, получавших лечение на основе разработанного алгоритма, наблюдалась инсульты, пороки сердца, острый коронарный синдром и острый инфаркт миокарда. В процессе лечения частота осложнений в основной группе снизилась с 2% до 2,6% в долгосрочной перспективе. Улучшение состояния пациентов составило 53,9% в основной группе и 40,5% в контрольной группе. У больных с сочетанным стенозом сонных и коронарных артерий это способствовало улучшению лечения и уменьшению симптоматики. Краткое содержание. Сужение сонных артерий часто сопровождается бессимптомным поражением коронарных артерий и сочетанным образованием двух и более сосудистых поражений. Изолированное атеросклеротическое поражение встречается редко. Были выявлены как минимум четыре основных фактора риска: ожирение, гиподинамия, гиперлипидемия и диабет. При выявлении ишемии или перфузионного резерва <2 на МРТ миокарда с использованием стресс-перфузии, коронарное стентирование на первом этапе может быть допустимо при повреждении сердца и проведении реконструкции сонных артерий.

Ключевые слова: ишемическая болезнь сердца, атеросклероз сонных артерий, коронарография, стрессовая перфузия МРТ миокарда.